

## 摘自《六祖壇經》悟法傳衣第一

- 一、善知識！摩訶般若波羅蜜是梵語，此言大智慧到彼岸。
- 二、摩訶是大，心量廣大，猶如虛空，無有邊畔，亦無方圓大小，亦無青黃赤白，亦無上下長短，亦無嗔無喜，無是無非，無善無惡……世人妙性本空，無有一法可得，自性真空亦復如是。
- 三、自性能含萬法是大……心量廣大，遍周法界，用即了了分明，應用便知一切。一切即一，一即一切，去來自由，心體無滯即是般若。
- 四、一切處所，一切時中，念念不愚，常行智慧，即是般若行。一念愚即般若絕，一念智即般若生……般若無形相，智慧心即是，若作如是解，即名般若智。
- 五、何名波羅蜜，此是西國語，唐言到彼岸，解義離生滅。著境生滅起，如水有波浪，即名為此岸。離境無生滅，如水常通流，即名為彼岸，故號波羅蜜。